

# 北洋官報

目錄

宮門抄  
上諭

奏請○禁河都統廷奏歷年餘款和盤托出摺△又奏願撥存款添作成本片△豫撫吳奏春夏季財政表冊咨部摺△又奏禁種土藥并禁輸入摺  
公牘○督憲咨一件△又札一件△商會稟一件  
文告六則△電報六則△新聞十則  
彙編○兩廣督署幕職章程

本局第一百十九期法政學報已出

## 宮門抄

十月二十六日 吏部 翰林院 廂黃旗值日 鄒嘉來等由 東陵回京請 安 阿公因弟得

賞廕生謝 恩 璞玉賢良寺瞻禮覆 命 溥侗假滿請 安 召見軍機 澤公 澤公遞

封奏一件

## 上諭

十月二十六日奉

旨溥善著補授內閣學士兼禮部侍郎銜欽此

旨所有兵丁借支庫銀應扣本年十二月及次年正月庫銀利息著加恩展限兩個月欽此

奏議錄要

熱河都統廷杰奏歷年積存餘款總數一併和盤托出摺

奏爲歷年積存餘款總數一併和盤托出以濟實用恭摺具陳仰祈

聖鑒事竊奴才於光緒三十一年十二月

十五日到熱河都統任准前任都統松壽移交礦務總局圍場荒價正耗金銀煤課三項餘銀共四萬五千四百七十一兩有奇經奴才查收奏咨在案其時熱河承十年變亂之後邊防重要首貴練兵一切吏治新政亦均當務之急而瘠苦之區正供協款爲數無多非自籌的款難期集事因就向有捐稅改革章遴員切實整頓痛戒虛糜一年以後歲增進款十餘萬金得此餉源於光緒三十二三三年就原有練軍衛隊改良擴充爲馬隊三營步隊四營旋准部章改編爲巡防隊分駐中東北三路馬步共十二營續於三十四年添募又北路巡防隊馬步各一營本年復添北路步隊一營另就原設強勝軍改添爲常備軍一標計步隊二營馬隊一營共計新舊軍馬步十八營一切工程餉械所需暨營務兵備軍械各處所經費遂爲熱河出款之一大宗地方應辦之事如法政師範農業中小駐防各學堂求治財政調查涉巡警清訟報銷審判籌備工藝習藝各項局處廠所均新政要圖不得不次第籌設又如園庭稽察各差事關守護尤不敢稍涉疏略加以幅員遼闊地方官轄境太廣動多窒碍先後奏准放墾蒙荒改設赤峰直隸州一州添設開魚林西綏東三縣續奏請添設隆化一縣凡俸薪辦公一切額支活支綜計每歲用款比諸從前亦歲多出十餘萬金歷經分屆奏銷至光緒三十四年止此外尚有奏撥官銀號督銷官鹽局成本銀各五萬兩恭進園庭陳設運費准作正開銷銀三萬餘兩均在常額之外勉力摒擋支絀萬狀祇得將應解部款挪用以應急需而補正款之不足現當清理財政事求核實之時節飭財政局督同報銷營務局處澈底盤查分項清算除正款出入相抵外計尙積存歷年押課地租充公私土變價各項罰款餘平等項銀七萬零三百八十三兩九錢四分七釐二毫一絲七忽九微實非奴才意料之所及此項銀兩內有續撥官銀號成本銀二萬六千一百四十

六兩零七分提交審判籌備處銀一萬五千兩亦經先後奏明擬即列數開單專案移交新任都統誠勳接收備用  
除咨部外所有奴才移交餘款銀兩數目緣由理合恭摺具陳伏乞  
皇上聖鑒訓示遵行謹 奏宣統元年十月二十二日奉 硃批該部知道欽此

又奏續撥浮存官銀號各款一併添作成本片

再熱河官銀號原撥銀五萬兩作為成本曾經奏明在案查熱河地方瘠苦市鮮殷商錢法荒敝疊經設法整頓而  
全賴官銀號之接濟維持原撥成本不敷頗形竭蹶續於餘款內又撥小銀元一萬四千二百八十五元合銀一萬  
兩並銅子二百七十七萬八千六百枚合銀一萬六千一百四十六兩零七分統計共合銀二萬六千一百四十六  
兩零七分發交該號免利浮借藉資周轉茲據該號總理呈請將續撥浮存之款一併添作成本以恤商艱而維市  
面由監理財政局詳請具奏前來奴才覆核無異除批准照辦並咨查照外理合附片陳明伏乞  
皇上聖鑒謹 奏宣統元年十月二十二日奉 硃批該部知道欽此

河南巡撫吳重熹奏本年春夏各衙門財政表冊依限咨部摺

奏為宣統元年春夏豫省各衙門局所財政報告表冊依限咨部情形恭摺仰祈 聖鑒事竊臣謹查清理財  
政章程第十一條內開有宣統元年起各省文武大小衙門局所應將出入各款按月編訂報告冊送清理財政局  
由局彙編呈省報告總冊按季呈由督撫咨部上季報告冊限於下季到部等因又准度支部咨 奏請將春季冊  
報展限三個月奉 旨允准欽此欽遵轉行在案伏思清釐財政為籌備立憲始基財政表冊綜全省出入之要  
綱為豫算決算之先導於散漫錯雜之中求整齊畫一之效非分門別類不能包舉纖微臣督同財政局遵照部頒  
條款就各衙門局所收支款目編訂冊式分別飭屬照式造報但專屬創始而各屬造報者或款項糾紛同城者尙  
可就近查詢其在外府者或行文駁查或電詢原辦之員總期力求詳密且限期迫促未便稍遲歷經文電嚴催勿  
任稍有延誤茲據清理財政局詳稱謹就原摺各冊依類彙編督率科長科員朝夕趕造並迭經正副監理官核閱  
付繕現將司道局所春夏季款項彙編五十九冊至各府廳州縣款目尤為瑣碎若一律造冊篇幅太繁難於稽核  
謹彙總列表分春夏二季裝成兩冊庶幾執簡馭繁眉目清晰省城高等專門各學堂款項無多將春夏二季列表

合爲一册依限造齊詳請咨部前來臣覆核無異除將表册咨送度支部核辦外所有彙編宣統元年春夏二季豫省各衙門局所財政表册依限咨部緣由理合恭摺具陳伏乞

皇上聖鑒謹 奏宣統元年十月二十二日奉 硃批度支部知道欽此

又奏土藥一律禁種并禁輸入摺

奏爲豫省土藥一律禁種並擬請禁止煙土輸入以遏來源而收實效恭摺仰祈 聖鑒事竊維籌辦禁煙一事

爲目前切要之圖臣上年抵任後查照禁煙大臣通行章程於省城設立禁煙公所遴委委員專司禁煙一切事宜尤以禁止栽種爲廓清本原辦法飭令遵照章程認真辦理業經 奏明在案茲據該所司道詳稱開辦以來迭經通飭各屬查禁煙苗未種者不准再種已種者全行拔毀改種他項糧食勸戒兼施務使境內無一煙苗而後已據各州縣稟報禁種淨絕者已不下七十餘州縣惟陝州等處與晉陝交界之區山徑紛歧小民希圖厚利間有違禁私種情事復經委員四出會同各該地方官親歷履勘切實查禁並嚴飭各州縣遵照部限務於今年年底一律禁絕惟是本省不種新土而各省煙土販運來豫者尙復不絕於路自非設法禁止不足以杜絕來源且外土紛來販賣則各膏店之存土既無術以稽查即民間之吸食者亦有恃而無恐是禁賣禁吸之命令幾同虛設殊於禁煙前途大有妨碍擬請通飭各州縣暨釐局委員於交界處所嚴切稽查所有外省土藥一概不准載運入境如仍違禁私運一經查出即貼有統稅局印花者亦一律扣留變價充公聽候撥用並分咨隣省各督撫嚴飭邊境州縣一體示禁以期周密至此項煙土有由火車運載他往者應咨明郵傳部給予執照指明運往地方起卸銷售惟在豫省內祇准過境不准落地售賣庶幾鄰土既不至灌輸舊土自日形減少即禁賣禁吸之成效可以立觀等情詳請 奏咨前來臣查豫省土藥上年奉文後即經飭屬認真禁種小民間有私種之處勒令全行犁毀改植他糧今秋播種之時復經臣電飭各屬親歷四鄉婉切勸導以防再有偷種情弊勒限本年內一律禁絕惟隣省煙土尙復販運如常其於禁煙一事關係非淺自須嚴杜鄰土運銷以斷接濟使新土不生存土日少吸煙者將不禁而自絕未始非拔本塞源之道至各商因本省煙種將絕土價日昂近有赴陝販土匯銀至百餘萬兩之多以致銀項不敷周轉銀價陡漲於市面交易情形亦復大受影響該司道所請嚴禁外土輸入自係扼要辦法應請由臣分咨各省諭令

商民自奏准之日起不得再將煙土銷售豫境並責成沿邊各州縣實力稽查以遏來源而收實效除分咨查照外所有豫省土藥一律禁種並禁止外土輸入緣由是否有當理合恭摺具奏伏乞皇上聖鑒訓示謹奏宣統元年十月二十二日奉 硃批該衙門知道欽此

### 公牘錄

護督憲崔據提學司申赴張家口廳等處考查學務情形咨呈學部備案文

為咨呈事據提學使傅增湘申稱案照本司訂於九月二十七日酌帶員司人等帶印前赴張家口廳宣化府屬及昌平州等處考查學務所有尋常日行公事暫委天津府代拆代行其緊要文件仍包封寄由本司核辦以昭鄭重除分移並札飭外理合備由具申為此申請鑒核轉咨 學部備案等情到前部堂移交到本護督部堂准此相應咨呈 貴部謹煩查照備案施行須至咨呈者

護督憲崔據寶坻縣詳籌款堵修上游香河屬馬家窩等莊窩頭河明口淤河各工札飭水利局查照文

為札飭事案查接管卷內據寶坻縣知縣于文光詳稱竊查卑縣地勢素窪形如釜底歷年頻遇水患卑職因公下鄉察勘地勢暨歷年被患之由實因上游香河屬有馬家窩等各村堤埝冲決明口一道由上游直下勢若建瓴縣屬之前杜立村莊等村適當其衝其患最重即以本年被災而論夏秋雨水並不甚大實受上游歷水倒灌之患此歷年受患最烈之實在情形也其餘尚有隣封順義三河等縣上游各段明口堤工受患尙輕卑職細細履勘實以香河馬家窩等村明口一道冲決六十餘丈其害最重若不設法修築將來屢冲屢鉅需費尤重不特卑縣境內數百餘村屢年受患即甯河香河兩縣亦同被災患實非淺鮮正在籌議間即據本城貢生王如恪來稟稟稱竊寶坻地居香河縣下游光緒十二三年間牛欄山水暴漲香河縣東北馬家窩莊後至梨園莊一帶窩頭河身沙淤成爲平壤上有來源下無去路水勢橫衝旁奪致香邑城東北萬馬辛莊窩頭南岸冲成明口一道每遇汛漲即如高屋建瓴而下爲寶邑患歷有年所而香河縣屬之焦家莊義井莊達古莊高家坨青莊務後杜立莊一帶併受其害近年來寶坻較香邑被災尤甚伏以此水西自香河縣屬後杜立莊流入寶邑境內逕前杜立莊太平莊商汪洵邵家舖朱家舖種田營連子營石佛營黑豆窩歇馬台南石橋等莊東至東南黃莊鎮林亭迤南八門城河西一帶上

下二百餘村盡成澤國寶邑最低窪一經淹滂水無出路今歲成災各區一片汪洋田廬宛在中央哀鴻遍野無吃無燒轉瞬冰雪載途衣食奚賴婦子老幼相對而泣來年佈種無期羣恐流離失所查萬馬辛莊明口關係兩縣利害早年曾有香河安頭屯善士金姓稟准捐資堵築旋以款項不足工未竣而中止貽誤至今生言念桑梓時抱隱憂誠以垂二十載官民欲修未修要工倘再失今不修兩縣水患更何日得紓惟望仁慈詳准發帑修築以期一勞永逸保衛閭閻生曾躬臨勘度如欲堵此缺口必須先將馬家窩莊後至梨園莊淤河開挖深通使水有消路方可無虞否則隨堵隨決仍是徒勞况此段淤河就其無水挑溶尚易為力惟河面須寬河淤須深庶沙隨水走不致再淤現時口門大水滔滔不絕寶邑窪中屢次增漲亟宜堵築竊以河工安危為民生休戚所關再四思維實有不容再緩者不揣冒昧為此叩乞恩准迅速據情轉詳請帑挑築以除水患而救京東民命上稟又據城鄉紳董候選同知馬培芳前山東長清縣知縣張瑞芬沂水縣知縣周汝震候補知縣王樹椿李壬林武監生王文濤儘先守備田佩林兵部差官王文元文學崔振聲王輔卿武舉張振瀛李翔麟文生王德成王策張祖澤陳克讓王彥魁王德芬趙福廷武生馬殿卿王鳳山庸德璽聯名稟稱竊寶坻地勢最窪形如釜底每遇盛漲廬墓田園盡成澤國推其故上游之患有四下游之患有二敬為仁天縷晰陳之一順義縣李隨鎮有明口一道為患甚烈一三河縣之箭杆河在寶坻上游之搖不動莊莊南有明口一道寬二十餘丈莊北有明口一道寬三十餘丈水勢洶湧貫入寶坻境之鮑邱河漫溢為災一通州之劉各莊迤北黎辛莊舊有明口一道約五十餘丈多年失修運河之水不必八分即由口中溢出泛濫為災一香河之馬家窩迤西有焦莊許家台兩村中有明口一道一百五十餘丈由上抵下高屋建瓴之勢為害尤烈此上游之四患也一武寶所屬之青龍灣河係北運河之洩水河河下通七里海北塘每遇盛漲由此歸海目下河流淤塞河底高於平地數尺以致水不能宣洩一大白莊以下光緒九年周道憲在河內加築二堤名曰一河四堤目下雖東堤已廢西堤不啻河中一壩此下游之二患也以上各情去年唐父台任內職等曾詳細陳明據情轉詳今春蒙水利局憲派委王大人親臨查勘職等蒿目時艱情殷桑梓上之有關國課下之有繫民生觸目驚心烏能坐視今年更有難者現屆冬令而被水村莊均陡長二三尺水此向來所未經由此觀之明年春耕無望矣夫春不能耕秋何以穫言念及此是以不揣冒昧公同籲懇據情轉詳凡堤之殘缺者興工補築河之淤

塞者籌款舒適庶幾寤寶之民可免其魚之嘆矣上稟暨縣屬慈恩里居仁里嘉善里新得里等百餘村首事先後呈稟前情據此卑職當飭該生王如恪親赴堤工繪圖逐段勘估茲復據王如恪呈驗圖說並粘單約略估計需銀一萬五千餘兩其順義三河等縣明口堤工尙不在內卑職斟酌至再當此庫款萬分支絀之際未便一概而論卽與各紳董籌議先其所急擬請先將香河馬家窩堤埝明口一道擇要修築第需款太鉅工程緊要實爲一縣之保障卑職不得不爲民請命合無仰叩 憲恩俯賜檄飭水利局飭派熟悉堤工委員來縣並請札飭香河縣再行復勘核實估計應需款項應如何籌撥之處出自 憲裁恩施是否有當擬合據情繪具圖說並約勒估單具文詳請 憲台查核俯賜分飭批示祇遵等情到前部堂移交到本護督部堂准此除批據詳並圖摺均悉候行水利局委員前往查勘明確妥議詳辦此繳等因印發外合行札飭札到該局卽便查照辦理此札

### 天津商務總會稟津海關道議覆唐山商會酌提經費文附原稟

敬稟者竊奉憲台札開爲札飭事本年九月二十六日奉 北洋大臣端批據唐山巡警等局候補道楊善慶具稟爲唐山商務分會酌提經費並附設自治社乞批示飭遵緣由奉批據稟已悉仰津海關道查明妥議具詳察奪並移自治總局查核暨該道知照繳稟抄發等因奉此查唐山商務分會擬仿照保定等處商會辦法於訟案議結還欠時酌提經費是否可行應由天津商務總會查明妥議覆奪合行抄粘札飭札到該商會卽便查照辦理此札等因奉此遵查商會性質原爲保商而設 部章載定籌款辦法三項卽註冊費憑據費簿冊費由商家酌輸毫釐如有苛派居奇情弊准衆商聯名具控核辦此三項外不得別立名目再收浮費等語立言極爲詳備該分會豈未寓目職會每於各屬稟設分會悉蹈籌款之迹核定章程首重此意期無擾累以盡保商之責任如職會應需經費遵照定章向由入會各商分攤會費多寡悉聽商便至多總不過二十一之譜數年來從未令各商額外花費分文提成之說尤無影響且商會評理商家輻輳本商會應盡之義務非同司法衙門可比現在唐山分會擬於議結之案提成作爲經費跡近擾累殊屬有違保商之意實與 大部奏設商會宗旨不符至原稟所叙保定天津總會並濼州豐邑各處議結案件提捐一成五之數不知何所據而云然應責令切實聲覆以證虛實而便嚴禁總之商會既謂保商此端萬不可開致啓營私舞弊之漸如果經費不敷應遵照部章約集在會各商妥訂籌款善法稟明核定

施行仍不得有苛擾勒派之弊仰承憲台保商之至意所有遵飭核議緣由是否有當理合稟請憲台查核轉詳飭遵實爲公便肅稟恭叩勛安

附錄楊道善慶稟前督憲原稿 敬稟者竊於本年九月十一日據唐山舖商廣泰成玉泰號三成立廣裕號瑞興

祥玉興恒福順永天廣聚大昌隆義發祥瑞生成德茂號永順隆兩益成等稟稱竊蒙詳請本鎮設立商務分會允

准之下商等遵卽公議當經總理會董商同在會商舖妥爲安設在南街財神廟西配房三間作商會公所東配房

爲商家公議銀行所商會應用紙張油炭傢具桌椅椅機並議員書記會夫薪水自去歲二月開會至五月內陸續

有錢債案件及至年底公事繁多迨本年二三月內至今錢債案件更且紛繁所有應用公款均係在會商舖墊辦會

由本鎮大街兩旁出桌川換銅子收買銀元每月捐洋一元僅可零用小費議員書記會夫薪水以及天津總會保

府總會發下預備立憲章程各本並北洋官報法政學報公款甚鉅在會商舖終爲墊辦力有未逮查保府天津總

會並灤州豐邑商會籌款遇有錢債與訟案件一經議結欠戶還錢若干照十成之數提捐一成五之數不等商等

公議提捐一成歸公經費商會可以永固雖然公議仿照各總會籌辦規法若不稟明出示曉諭誠恐狡滑商暗

生物議爲此公全稟懇局憲大人恩准賞示曉諭以便遵辦而重商務實爲公便等情據此伏查職巡警局設有發

審處訊結各案自寫呈紙筆以及拘留飯食均係由局籌備十餘年來從未令商民花費分文該商務分會稟設以

來凡有清算賬目之案卽由職道批交商務分會議結亦係查照職局定章辦理今該商號等稟及墊款太煩力有

未逮尙屬實情可否准其查照保定天津灤豐等處商會於議結還欠時酌提一成以充該商務分會經費之處理

合稟請 大帥核示飭遵再城鄉鎮均設自治唐山自治社擬請卽附設於商務分會暫由該商務分會總理等認

眞經理以擴新政而節經費是否有當伏候 憲裁示遵肅稟敬請 鈞安仰祈 垂鑒

### 文告錄要

督憲批示錄要○天津道詳本年各處防河搶險出力員紳請外獎由 批據詳已悉本年南運河防汛出力員紳

自應酌給外獎以示鼓勵靜海縣知縣宋功迪應准記大功一次河工補用巡檢署靜海縣典史路金鑑准予首

先拔署一次署交河縣主簿候補典史趙宗鼎准予另册存記首先酌署優缺一次希移藩司衙門查照註冊飭



知東光縣連鎮汎河營把總曹世林准予存記遇有應升之缺升用藍翎五品頂戴儘先經制河營外委崔連陞准予存記遇有把總缺出酌量拔補卽由道註冊飭知東光縣教諭王慶夔等十六員名均准給五品獎劄文童張問學等四名均准給六品功牌茲將獎札功牌隨批印發仰卽查收轉給祇領摺存此繳

藩台批示○東光縣民人甯逢武呈 批地土細故卽使所呈得實亦難遽准親提著卽回籍自行呈由該縣勸訊斷結了案毋庸來轅上瀆○棗強縣職員呂佐清呈 批案經本司札催冀州迅速查明詳辦虛實應俟詳到再奪毋庸多瀆

保定工巡總局告示○爲出示招領事照得案據探訪隊稟稱卑隊隊長李應昌等於本月初八日下午三點鐘查至小激店地方拾獲錢票一紙知係有人遺失呈送前來爲此出示招領等情到本總局據此除稟批示外合行出示曉諭爲此仰諸色人等知悉爾等如有遺失錢票情事可卽來局聲明錢票內開數目字號覓同妥保前來本總局具領可也切切特示

直隸警務處批示○清苑縣司法班畢業生翟毓楨稟入研究所一案 批據稟已悉該生熟入研究所一節業經本處註冊存記俟有缺額再行調補可也此批○遷安縣司法班畢業生李文彬稟請派差一案 批據稟已悉查各州縣尙未有稟請巡官教員一時碍難位置仰該生迅卽回籍俟有相當差缺再由本處調派可也此批○趙州蠡縣雄縣平山縣高等警務畢業附生陳世榮等公稟入研究所一案 批據稟已悉該生等懇請入研究所一節均經本處註冊存記俟有缺出儘先調補仰卽遵照此批

天津縣議事會議覆公告○王恩濤說帖爲津地各口脚行把持訛索懇請提議以儆刁風事 議覆說帖閱悉已列入議案候通常會核議此覆○范家莊學董儲義學等說帖爲懇請補助事 議覆說帖閱悉此案已經董事會調查覆到本會開通常會時提先核議此覆○孫文彥說帖爲事無旁貸有愧義務懇請另補以重要公事 議覆說帖閱悉候由本會代繳此覆○張炳文等說帖爲懇請速議以便遵辦事 議覆說帖閱悉此案已經董事會調查覆到本會於通常會時提先核議此覆○王鏡說帖爲族長盜賣地懇請追究事 議覆說帖閱悉此案俟本會將王毓秀與井上轆轤辦清後再問該兩造果否願在本會調處再爲核議此覆

附錄天津官事○候補道楊觀察奎傳奉 護督憲札委礦政調查局會辦差

### 電報錄要

路透電○華盛頓消息美國著名大律師喀漢氏現在允准充駐華公使

又電○英國自由黨報紙云英國德拉發噶爾地方此次會議大有盼望因英國對於此次普通選舉均有戒心

又電○中國考查海軍大臣現至紐喀斯洛附近依洛斯克大軍械製造廠參觀

又電○西班牙王阿芬瑣氏現患瘍症聞須延請醫士在耳鼻之際割治

柏林電○義王現派森尼那氏組織新內閣幾薩的米氏與海軍大將比徒洛氏均有外部大臣之望

又電○據俄京最近消息俄財政大臣克德索氏有補授駐法公使之風說

### 新政紀聞

政治

議事會第五次議案○天津縣議事會開第五次通常會議案如下 一董事會光緒三十四年分決算事 一董

事會宣統元年分預算事 一董事會宣統二年分預算事 一補助各民立男女小學堂事 一核議三元巷

廟地事 一電車行車傷人事 一南市修直馬路事 一劃分自治經費及國稅地方稅事 一單玉祥冒認

廟地事 一南鄉私塾改良事 一請訂審判旁聽事 一調查官地事 一條陳工程局道路溝渠事 一恩

給病故教員事 一游藝園事 一改良消防事 一三太爺廟廟產事 一陶姓婦請旌事 一接辦義阡局

事 一調查捐務科事 一調查海大道由馬家口至營門是否租界事 一接辦濟良所事 一巡行宣講事

一簡易識字半夜學堂事 一納捐劃一銀色辦法事 一子牙河淤地事 一當期二年半或二年事 一

各口脚行事 一邢懋德李恩榮案事 一鮮菓子店事(規復舊制 請由董事會辦) 一鹽斤加價事(直

加三倍) 一外鄉議員川資照舊事 一鹽斤加價辦四鄉學堂事 一各村宣講員事 一嚴禁煙賭事

一商品標明定價事 一設勸業勸工等廠事 一不許纏足歸會事 一銅元充斥事 一商店不準擺設坤

鞋坤靴事(女學設家政科 女學生必須天足) 一調查市長捐事 一調查碼頭捐出入數目 一調查各

牙行津貼出入款項事 一質問意國積壓契紙事 一質問奧國工部局稅事 一下級團體宜早成立以爲  
立憲基礎事 一私塾改良事 一出售戶部街關帝廟影壁地基事

函告遞補副議長議員○天津縣議事會致遞補副議長王君吟川函云敬啓者前因副議長劉君孟揚以重母命  
節勞辭職業經公決原情特許退職當查復選舉名次表應以閣下揆補因念老成持重閭里欽崇刻圖自治進  
步之秋仰賴大發熱力以策進行唯前值挽留劉君之頃公推甯議員存恕李議員培藻暫代其職迄今相需已  
久應請迅速蒞會以便代理是職者得以卸責是爲至禱爲此具緘肅請并頌時安諸維台鑒又致遞補議員黃  
君灑函云敬啓者茲因王議員吟川升補副議長之任所遺議員之缺應以閣下遞補因念長材精幹年力富強  
刻當補充是職仰賴熱心公益襄贊多方惟希屆期蒞會藉資贊助冀於義務有裨爲此具緘肅請順頌又安并  
希台鑒

外 交

調取出使事略表○聞外部現通行出使各大臣飭將全年所辦各事無論巨細統於年終一律列表咨報不得稍  
有遺漏云

咨明派充領事官○督憲准外務部咨准法馬使照稱前任廣東領事甘司東現派充天津正領事又俄廓使照稱  
本政府派前任哈爾濱副領事官王爵米奢斯齊調補煙台副領事官各等因已札飭津海東海兩關道查照矣  
呈請保護游歷外人○督憲據津海關道呈英國教師紀正綱携眷裴習携眷蘇道味携眷吉長慶携眷達雅携眷  
女教師莫翠琴均由津赴直隸山東河南山西陝西湖北游歷又英美煙公司英商高殿閣由津赴直隸河南山  
東山西陝西游歷又日本陸軍少將阿部貞次郎並渡邊寬管沼佐喜男百川眞吉均由津赴直隸張家口附近  
一帶游歷又英國人彌超樂由津赴直隸奉天吉林黑龍江等省游歷又英人赫德金柏德均由津赴直隸河南  
湖北四川游歷又德人德羅隨帶華僕一名由津赴直隸東三省一帶地方游歷又英商佛畢思施爵爾均由津  
赴直隸吉林奉天黑龍江游歷各等情除分咨外已札飭所屬照約保護矣

學 務

催詢學堂補助議案○天津縣董事會致議事會函云啓者各學堂補助一案前經敝會會員同勸學所分往查明業將會員報告并勸學所交到函單送請核議在案茲接勸學所來函催詢前案相應將原函送呈查閱希即速議見覆以憑轉覆爲盼此啓 附勸學所原信一件 敬啓者前由敝所會同貴會調查各處學堂請給補助并請領地方公款就地興學各案業已按照劃定權限由敝所擬定准駁函請貴會查核見覆以憑立案乃兩月之久未准函覆亦未聲明緣何遲遲致各處學董咸來詢問無辭答覆良爲焦灼爲此專函奉詢即希速爲示覆是荷此致敬請公安

盲啞學堂開學日期○保定盲啞學堂定於十一月初一日行開學禮已發出廣告所有報名諸生務於十月二十八日午前十點鐘偕同保證人到堂填寫願證書以便入學凡有志向學者仍可隨時報名切勿觀望云

學堂運動會之界說○浙江師範學校於十月十六日開運動會事件甚多而運動之界說一節頗具深意略謂本會之宗旨本以發達自然運動之旨趣者但運動二字與苞苴賄賂吹噓諸名詞等類並觀也久矣因述其界說如下 一運動會乃有形之運動 二運動會乃技術之運動非阿堵之運動 三運動會乃義務之運動 四運動會乃活潑機關之運動非關節秘密之運動 五運動會乃鍛鍊筋肉之運動非希圖名譽之運動 六運動會乃發表成績之運動非陞官發財之運動 七運動會乃共圖和樂之運動非互相牽制之運動 八運動會乃聯絡感情之運動非暗中猜忌之運動

軍政

派員閱看砲台操演○江督張制軍以江陰編練要塞各砲台未知有無成效可觀特札派江陰要塞工程局沈觀察炳謙馳赴鎮江江陰吳淞下游一帶閱看各砲台操演以規其進步何如觀察奉委後隨於十一日乘輪先抵鎮江暫駐並偕同鎮江總台官温大令詣象山雩山焦山都天廟各砲台查閱一周兼看各守台弁兵水陸兩操聞閱畢後即須赴澄云

鄂軍二十一協舉行秋操○鄂軍二十一混成協步兵兩標暨砲騎輜重工程各隊刻均調赴離城四十里之湖南舉行秋季大操聞係以四十一標步兵及砲隊爲主軍四十二標步兵及馬隊爲客軍於初十日起假作戰三日黎協統元洪業已率同陸軍教員日人寺西中佐松林木村丸山三大尉前往審判以較優劣

第四條 祕書員掌理祕密文電章奏及不屬於各科之事並參預一切要政事宜

第五條 參事員掌理各科文牘其主管事件參照定章分別如左

甲 交涉科 掌理一切交涉事務及文牘 按本署向稱洋務文案今照章更正

乙 民政科 掌理諮議局地方自治調查戶口巡警禁煙各項事宜及文牘

丙 法科 掌理籌辦審判及改良新刑律監獄各事宜

丁 度支部 掌理關繫財政及關鹽釐各項事務及文牘

以上兩科在新刑律未施行財政未清釐之先所有刑名錢穀兩席即仍舊稱其在九年籌備範圍內者另設主管之員掌理之

戊 吏科 掌理文武升遷事件 按本署向係刑錢席分辦今仍以刑錢席分充之

己 學科 掌理教育行政事宜及文牘 按本署向有學務文案今照章更正

庚 禮科 掌關繫一切典禮事項及文牘 按本署舊有禮科事宜向歸刑錢席分辦者今仍以刑錢席分充之

辛 農工商科 掌理關繫農工商礦一切實業事項及文牘

壬 郵傳科 掌理郵電鐵路一切交通事項及文牘

以上兩科如遇有交涉事務應與主管交涉科員彼此會商辦理其已成交涉者應徑歸交涉科

癸 軍政科 主管水陸新舊軍政事宜及文牘 按本署設有營務刑名其彼此有關繫者應會商辦理以上十科均係參照定章以便承接京師各部院所司事項及文牘遵循辦理

第六條 祕書員參事員之外每科得設置副員無定額 按照章有助理名目今酌稱為副員

第七條 設收發員二人掌理一切文牘收發事宜其應送各科之文牘並隨時加識分送之 按如係交涉事項

應蓋紅印交涉科數字餘類推

第八條 設繕寫員無定額分別掌理繕寫摺函及各項文牘事宜 按本署向有繕摺文案應即作為繕寫員其

尋常謄寫另設書識數人

第九條 各員應刻木質姓名圖記曰某某核字樣加蓋於主管文牘年月之左旁其彼此互送會核文牘則加蓋某某會核字樣以識別之

第十條 祕書員所掌摺電各件有與各科相關係而可以發布者應送主管該科事務之員會核

第十一條 各科所掌文牘有與他科相關係者應送主管各該科事務員會核

第十二條 各員所掌主管事務有應與應革及有疑義者得提出說帖於督院以備採擇並請示施行

第十三條 本署每日會閱文牘一次祕書員及各科員收發員均依時齊集於會閱處所如遇緊要事宜督院屆時入席或特別召集各員會議之其會閱時間如左

自二月初一日起至四月三十日午後四時至五時

自五月初一日起至七月三十日午後五時至六時

自八月初一日起至十月三十日午後四時至五時

自十一月初一日起至正月三十日午後三時至四時

第十四條 每日會閱文牘應設立紀事簿紀錄所到人數及提議或決議事項臨時書記以收發員充之

第十五條 各員非有不得已事故不得請假

第十六條 遇星期休息一日年節亦照通行休假惟有緊要文牘仍照常閱核

第十七條 以本署東院方廳爲會閱文牘處所

第十八條 本章程自各員通過並由督院核定之日起爲施行之期

第十九條 本章程得隨時修改或各員有隨時變通增減之處均照章分咨存案

附錄兩廣總督衙門幕職遵章分科辦事銜名表

祕書員 掌理機密文電兼會核交涉科文牘參預各項要政事宜 施炳燮 江蘇補用道 浙江會稽人

祕書員 掌理機密文電及章奏兼會核籌辦各項新政事宜 沈同芳 翰林院編修銜 江蘇武進人

# 待哺如孩

在香港有患最劇之風溼骨痛者為韋廉士大醫生紅色補丸所治愈  
 人若覺四肢背骨有極甚之風溼疼痛並骨節頑硬痠痛難忍之時當知其故乃由血中一種毒酸所致而療治之  
 道別無他方即一種使血潔淨稠濃之藥如是則方可驅除其血中之毒也韋廉士大醫生紅色補丸為著名獨  
 一無雙補血之聖藥其所增補之血乃係天然之自來血固非人力所能為者於此二十餘年中曾經醫治天下各  
 處患極重之風溼骨痛者已不知幾千萬人矣如下所錄者亦不過千萬中之一耳  
 馮巴頓街第一號門牌其夫在日曾為香港紹昌洋行之正買辦楊氏嘗自述其病狀云○六年前余夫故後余患  
 風溼骨痛之症手足及足跟各皆腫痛手則更甚不能舉箸所以食須待哺如孩日久蔓延遍體骨節皆痛慘楚難



香港楊堪日無安甯胃口頓閉血薄若水骨瘦如柴  
 氏患最劇之風溼骨痛曾就診二西醫亦無效治之法迨後疾重  
 劇之風溼骨痛彼臥床一月一日聞韋廉士大醫生紅色補  
 丸有治是疾之奇功即購取數瓶服之直至風溼  
 士大醫生紅色補丸之奇功使全身得享安  
 治愈

樂復原之福也 韋廉士大醫生紅色補丸不第為治醫  
 醫治肺疾使得新力之靈藥嘗經治愈無數喉管發炎 哮喘咳嗽 以及癆病初起等症此外又曾醫治 血薄  
 氣衰 諸虛百損 少年虧喪 陽萎不舉 胃不消化 肝經各病 背骨疼痛 左癱右換 跳舞瘋病 脚  
 氣衝心 乾溼癬癩 瘰癧癰疽 以及皮膚諸症且為天下著名醫治婦科一切月信愆期經來腹痛等症百發  
 百中之靈丹也 韋廉士大醫生紅色補丸中國各處藥局商店凡經售西藥之處均有出售或直向上海九江路  
 B字第八號 韋廉士大醫生藥局中國總發行處購買亦可 價銀每六瓶大洋八元每一瓶大洋一元五角 遠  
 近郵費一律不取

上海九江路B字第八號韋廉士大醫生藥局啟

# 新 啟 告廣司公限有灰洋



啓者本公司係承唐山洋灰公司老廠另購外洋最新式機器旋磨等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等倘有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

# 得利文洋

大小皮包法國洋號又新到轉盤換調器匣八音盒價值格外從廉什宦官商光顧者請移玉紫竹林法租界本行主人啓

本行開設天津上海香港志呢華海參議等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑽珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

# 瑞林祥元記

本號開設北京前門外鮮魚口天津估依街中間路北山東濟南府院西路北自置綢緞紗羅顯繡蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

# 武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器珞藍 奇巧美術玩器 學界文房用品 旋行携帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓



# 十月初二日至初十日代收甘肅賑捐第五期報告清單

趙潤田一角 王雅橋一角 桑子瀛五角 趙文清五角 楊幼林五角 葉琴舫一元 伍自安二角 潘竹  
 生二角 王印堂一元 趙益三一角 孫翰章一角 張和齋一角 候俊齋一角 候秀山一角 姜祝軒一  
 角 韓柏臣一角 潘晴波一角 蕭少林二角 伍餘齋五角 林化舟五角 陶谷生五角 張雨生二角  
 范示臣二角 馮少清二角 趙聘臣一角 胡印堂二角 田仁號一角 張少軒二角 (以上四百六十七號  
 洋三大元小洋四元八角) 阮記盛二元 禽利成二元 復祥五角 無名氏二元 勉力子二元 長盛蔚一元  
 泰和玉一元 永全吉一元 張菊舫二元 陳潤昌一元 凌藍蕃三元 夢花居五角 江升吉二元 徐茂  
 榮五元 趙雨如五元 夏勤志十元 無名氏二元 施聘玉二元 鄭蘭生一元 胡先梅二元 朱友震二  
 元 潘紹祥二元 (以上四百六十三號共大洋六十元) 天津銀號十元 交通銀行四元 (以上二百六十二  
 號共洋十四元) 方培怡一元 陳子樵二元 陳善祝二元 以上二十八號共洋五元 漁疇二元 龐士元二  
 元 延陸子五元 龍產熙二元 隋少伯一元 金鐘山一元 (以上三百八十四號共洋十三元) 程子英五  
 元 王誠甫五元 趙鴻浜五元 姚屏洲二元 趙云台二元 秦藝林二元或 劉文軒二元 楊季九二元  
 薛云台二元 徐吉符二元 于俊卿二元 周績帥二元 陳炳如二元 羅印澤二元 李鶴岩二元 徐  
 仙洲五元 (以上三百八十號共洋四十四元) 劉文翰一元 孫鼎吉一元 張定安一元 趙幼梅二元 郭  
 芸夫二元 周吉如一元 孫季雍一元 莫介堂一元 李叔揚一元 吳梅亭一元 孫總伯一元 胡育壽  
 堂一元 孫茶蓀二元 王墨樵一元 朱雨亭一元 何受彤五角 鄭英二元 賈書農一元 郭啓廷一元  
 (以上十五號共大洋二十元小洋七角) 董殿發五元 董邵氏三元 董崔氏二元 順興染店二元 聚恒  
 德二元 張士修二元 周大旆二元 楊樹林一元 王振源一元 劉少卿一元 興昌號一元 楊高氏一  
 元 會文堂一元 楊孫氏一元 石松清二元 石秀林一元 周祚錫一元 賈述宗一元 石寶書一元  
 同產煤廠一元 楊佩卿一元 楊子言一元 周玉堂一元 馮月舫一元 文肅堂一元 尙志堂一元 郭  
 永祿一元 積善堂郭二元 (以上八十三號共洋四十一元)

(未完)

商務印書館出版各書上海總發行所

分館

發售

欽定大清會典事例全書 會典 版式大小謹遵 商務印書館恭印

是書前由敝館承印伏讀外務部進呈原奏有印造尙屬精工等語查王公京外大臣得蒙頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖十二函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期其初美無故事朝野皆奉一憲政爲準繩爲國

爲民政府與議員各盡其道中間財政之抗爭法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四册定價一元五角茲因諮議局不日開辦將前二册先行出版後二册七月出版預定者實價一元收到書價後即交前二册並付收條俟後二册出版時憑條取書特此預告外埠郵費照加

天津分館開設河北大胡同電話五百二十六號

# 南洋勸業直隸出品展覽進行會十一月初一日開幕廣告

啓者本協會前擬十一月朔開會展覽因學會處考職地址不能騰讓當經議定展緩改於十一月初七日午刻十  
 二鐘在河北公園勸業陳列所及學會處兩處開辦展覽近行會嗣因學會處考職日期於本月二十七日即可考  
 竣因又改回於十一月初一日開辦所有陳列所內專設非售亦以備明春運赴南洋比賽重學會處一區專備各  
 工商陳設售品以備游人隨意購取如有擬在本會場內銷售中國貨物以及各項貿易者儘可於會期前五日到  
 公園內出品協會事務所掛號由本會預備地址屆期開幕售賣特此佈告 河北公園內直隸出品協會謹啟

## 天津商務總會代收兩湖吉林水災賑款數目及各善士銜名第三次

### 報告

定州正堂代募第九十五號冊共助洋一百二十四元四角內有站人洋一百十五元升色洋一元四角 定州陳  
 燕昌五十元 州同蓋仰惠 宣講所講員陳門隴西氏 賑席姜步雲 收發處朱榮滌各助洋二元 調署定  
 州吏目田嘉禾 陳士龍 陳德懋 定州刑幕趙慶履各助洋四元 陳門安定氏 定州奇萬高門賈氏各助  
 洋十元 定州學正谷春芳 監學陳八斗 勸學代庖董秉喆 郭步 韓路卿 李曉冷 初級師範教員田得霖  
 呂邦棟代庖趙漱芳 劉景棠 季貞康 張紹孟 教練所所長王恩懋 高小學堂教員燕世德 武天錫 萬 堂長趙文  
 煥 巡警總局正巡官劉清士 警董張紹孟 教練所所長王恩懋 高小學堂教員燕世德 武天錫 萬 堂長趙文  
 陳珍 丁茂之 劉景棠 季貞康 張紹孟 教練所所長王恩懋 高小學堂教員燕世德 武天錫 萬 堂長趙文  
 南定總鹽店代募第九十六號冊共助洋三十二元 晉益恒鹽店十元 北定鹽總店代募益興湧五元 張蔚林二  
 各助洋二元 吳恩源 鄒致申各助洋一元 盧志青各助洋一元 姜恩銜 馬鎮 王肇洛 張蔚林二  
 元 郭景山 趙以寬 鄒致申各助洋一元 盧志青各助洋一元 姜恩銜 馬鎮 王肇洛 張蔚林二  
 十吊文 景州知州代募二十四號冊共助洋十八元錢九中八吊文 州吏目孫師箴二十吊文 俞光鼎 程恩綬  
 一百零四元 營司 知州單晉 鄒致申各助洋一元 盧志青各助洋一元 姜恩銜 馬鎮 王肇洛 張蔚林二  
 六吊文 營司 知州單晉 鄒致申各助洋一元 盧志青各助洋一元 姜恩銜 馬鎮 王肇洛 張蔚林二  
 各助洋二元 幕友周鼎臣 收發處王寅 營守備路九中八吊文 州吏目孫師箴二十吊文 俞光鼎 程恩綬  
 巡官李光增 北分局巡官張瑞清 巡警總局副巡官劉長發 西南分局巡官胡錦瀾 西北分局巡官李景  
 三各四吊文 巡警總局董路鳴珂一元 南分局區長趙景元 郭彭齡 西南分局巡官胡錦瀾 西北分局巡官李景  
 長蔡培龍 總局區長馬憲文 李清波 西南分局區長劉鴻權 東北分局區長蔡耀文 總局書記劉開城  
 各助一吊文 河廳王進修二十吊文 西南分局區長劉鴻權 東北分局區長蔡耀文 總局書記劉開城

(未完)

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

## 催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼  
官報局甘肅籌賑處謹啓

## 助柴鳴謝

啓者本堂收養孀孤年來人數增多不獨米糧用鉅而冬令燒柴尤爲大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃  
廣仁堂公啓

## 鳴謝助款

邑紳花翎候選道李公鴻翰謹遵故父李公鍾瑒遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實爲好義可風同深感佩除由本堂詳請督憲奏獎外理合登報鳴謝以爲樂善好施者勸  
天津廣仁堂謹啟

## 直隸高等工業學堂招生廣告

本堂分高等科及中學校凡有中學畢業或修業及高等小學畢業者自十月初一日起至十一月二十九日止來河北黃緯路本堂取閱詳章報名幸勿遲悞

## 天津南開私立第一中學堂招考新班學生

考期一在本年十二月初六日上午一在明年正月十八日下午